

長壽佛讚

宗大師 造
法尊法師 譯

猶如黃丹含曙色，可愛紅黃光網覆，千蓮蕊上月輪座，無量壽佛從_{མེད་ལྷོ་}出。
身披五彩妙天衣，若赤寶山虹光繞，無量摩尼寶莊嚴，如是佛身我敬禮。
兩手猶如新藤條，其上托有應量器，無死甘露極充滿，賜壽悉地我敬禮。
髮色紺青如蜂黑，髻飾頂上餘長垂，細軟彩綾為下裙，相好威熾我敬禮。
凡以猛利信敬心，演出和雅可意語，讚詠如來勝功德，能賜眾善我敬禮。
智劍割斷無知網，大悲恆愍含識類，荷度生擔無疲乏，究竟皈依我敬禮。
稱名能消諸橫死，憶念即救三有怖，皈依便賜畢竟樂，於諸時處常敬禮。
我今敬依離過尊，現前願消諸災障，究竟得往極樂界，蓮花化生承事佛。
猶如無量壽佛身，眷屬壽量并世界，勝妙相好悉何若，願我所得亦如是。